

卷之二十一

詩

次上

山中無所事事

山中無事日長閒

興國縣志卷之四十二

藝文八

唐詩

太上隱者

答人

偶來松樹下高枕石頭眠
山中無歷日寒盡不知年

沽酒

酒盞君莫沽壺傾我當發
城市多囂塵還山弄明月

皇甫澈

一作澈

中書令鍾紹京



景龍仙駕遠中禁奸釁結謀猷叶聖朝披鱗奮英節青
宮闈闔啟滌穢氛沴滅紫氣重昭回皇天新日月從容
廟堂上肅穆人神悅唐元佐命功輝煥何烈烈

宋詩

趙

字閱道西安人資政
殿學士諡清獻有集

送興國令徐師回殿丞

報政方山下分攜贛水濱人蒙百里惠花見四年春親
志樂戲綵家聲高縉紳還期逢慶節慈宴拱嚴宸

題靈白寺

我爲靈山好登留到日曛巖幽餘暑雪鐘冷入秋雲篇

興國縣志卷之四十二

藝文八

唐詩

太上隱者

答人

偶來松樹下高枕石頭眠山中無歷日寒盡不知年

沽酒

酒盡君莫沽壺傾我當發城市多囂塵還山弄明月

皇甫澈

一作
澈

中書令鍾紹京

景龍仙駕遠中禁奸釁結謀猷叶聖朝披鱗奮英節青
宮闈闔啟滌穢氛沴滅紫氣重昭回皇天新日月從容
廟堂上肅穆人神悅唐元佐命功輝煥何烈烈

宋詩

趙

字閱道西安人資政
扈殿學士謚清獻有集

送興國令徐師回殿丞

報政方山下分攜贛水濱人蒙百里惠花見四年春親
志樂戲綵家聲高縉紳還期逢慶節慈宴拱嚴宸

題靈山寺

我爲靈山好登留到日曛巖幽餘暑雪鐘冷入秋雲篇

詠惟僧助塵煩與俗分明朝入東棹因得識吾文

同趙城司封會靈山亭

寺亭高絕面靈山迤邐羣峯不可攀登賞誰知賢者樂
獄扉空冷訟笥閑

邵知柔

祭酒

柬呂太學禎

當時欲殺尙憐才奏稿流傳讀轉哀一寸心丹朝士愕
十分頭白道州回汴京今日猶豺虎陵寢多年沒草萊
聖主不勝嘗膽恨先生無用鶴書催

謝

字呂國新喻人御史
諤中丞理學淵源二卷

追和邵祭酒柬呂太學

艱危方見救時才一介儒生為國哀六豕奸雄千古恨
二龍奔馭幾時回道州自分填溝壑天詔何煩責草萊
我識先生心似鐵宸章莫便苦相催

文天祥

字宋瑞廬陵人右丞相信國公文山集

集杜

五月引兵自梅出嶺時贛吉兵皆來會六月大捷於
雩都進攻興國縣縣返正於是駐屯遣大兵攻贛州
又以偏師出吉州贛諸縣皆復號令惟行於城中吉
水永豐萬安永新龍泉以次皆復臨洪袁瑞莫不嚮

應詣軍門聽約束者相繼興國黃州新復皆來請命

汀州有偽天子黃從斬首至府上下翕合氣勢甚盛

天若祚宋則是舉也幸而一捷國事垂成之候也

崆峒殺氣黑

北遊

灑血暗郊垆

薛判官

哀笳曉幽咽

榴花

石

壁斷空青

西閣

行府偏師出吉州者戰於鍾步不利攻贛兵不幸相
繼而敗行府孤立時處置安撫鄒瀾聚兵數萬在永
豐境行府引兵就之會其軍亦潰而自後追及不可
支雖人謀之不臧殆天意之未順每一念此氣噎欲
絕哀哉

東望西江水

弟

高義在雲臺

建

到今用鉞地

草

霜鴻有

餘哀

金華山

旄頭初傲擾

將適江陵

義士皆痛憤

草

乾坤空崢嶸

畫

嚮者

留遺恨

空靈屏

元詩

元明善

字復初大名清河人翰林學士清河郡公諡文敏

送董慎齋左丞討賊

負劍先驅意氣閒也勝局踏著儒冠古來每說從軍樂
此去不辭行路難使節再臨民志定兵鋒一舉賊心寒
書生奮力效馳逐要寫功名久遠看

劉

字桂翁廬陵人桂隱集

贈蕭克有赴興國稅務

小駐青雲九萬程塗商里販樂寬平古來關市多賢哲
盛世舟車少算征雨漲玉虹灘石滅春深金鯽郡池清
看山攜酒吾曹事定有新詩許共評

贈何履平偕克有之興國

主賓二美古稱難笑語輕舟十八灘幕有仁言官政善
士從知己旅懷寬文章不肯時科試山水原須勝士看
想見鬱孤吟賞舊渚煙汀樹滿毫端

滕

賓

字玉霄睢陽人翰林江西儒學提舉

題東龕諸景存四

讀書岳

巖巖石室激江東舊隱開元越國公勝迹不磨遺像在
書聲時落半天風

靈湖石

巖竇中開小有天蛟龍潛蟄幾何年不輕奮鬣為霖雨
時傍雲根吐翠煙

筆架山

俯揖前山錯落橫珊瑚架聳筆花生我來欲蘸滄浪水
仰首摩天寫太平

銅鑲鯉

洞宮曾此扣銅鑲解却金魚掛壁間一夜風雷天外動
化龍飛去不知還

劉

崧字子高泰和人
槎翁詩文集

陪陳尹飲江上雨過夜歸明月賦此

渡江雲斷橋把酒風振袂芳園逐幽尋良友適遠至諧
談且云懽酬勸忽已醉一雨洗塵襟千山拂涼翠柘林
既迴薄蘭渚復延企月轉城東門蕭蕭送歸騎

方邱生自號蒲衣道者由安成武功山避亂贛之

興國邑令陳文彬為築長春道院以居之

會騎黃鶴下青山又憇長春候紫關
激水月明花窅窅武功雲散草班班
偶攜竹杖尋仙去閒著蒲衣採藥還
翠壁丹書如可訪石門鐵鎖定高攀

留別方印生

道人手把玉芙蓉身著蒲衣瘦似松
錦水市中行賣藥金雞嶺下坐聞鐘
養來乳犬能馴虎放得神魚解化龍
塵土滿懷還惜別何年笙鶴定相從

夜宿三台柬楊煉師

三台山祀淨明君香火新從葛井分
案上道書秋後寫空中仙藥夜深聞
星垂天近連青野雨過山空起白雲
更有雷壇人不到十年珠樹鶴成羣

贈廖山人月山

問訊青囊客從來衣錦鄉幾年寓禾水
何日過菊堂古墓沉鳧海高門散鹿場
平生雙短屐登覽意何長

明詩

趙

沆字子常休寧人洪武二年召修元史自號東山

贈呂仲善之北平搜訪遺事

龍庭返騎如飛煙真人端拱收中原
北平圖籍載連舸挂一漏萬無完篇
妖星夜半躔奎宿山川千載還清淑
國書不使外廷傳翰林青簡空如玉
監殷監夏思前車

詔起羣儒當疾書皇家制作貴傳信未許太史微無且
舊事遺文更搜訪狼籍幽燕藉君往五車上送見書成
一代興亡如指掌

李克正 字宗願豫章人禮部尚書

送呂君采史北平

八月烏啼海子橋南來使客下青霄雲埋石室丹書在
日落延秋翠輦遙麟史未全歸聖代龜文猶得認前朝
詞臣載筆需文獻莫遣回車久寂寥

胡翰 字仲申金華人衢州教授

送呂君采元史北平

又見陳農去遙臨析木墟山川遊幸後文獻亂離餘備
極傳聞異歸從直筆書百年殷監在盡獻玉階除

危素 字太僕金谿人宏文館學士太樸集

題營邱山房

太岳流芳裔何年徙贛州殊勲思尚父作室表營邱故
國兵戈後空山草木秋穆陵關北路風雪近曾遊

蘇伯衡 字平仲金華人編修

周伯寧春晴江岫圖為呂仲善題

尚書襟懷絕瀟灑揮毫往往凌董馬平生一筆頗自珍
數尺新圖為君寫齊山遙接吳山青碧波萬頃孤帆征

東風綠徧汀州草總是岐亭離別情一向江南一江北
離情浩蕩嗟何極正如江上之碧波縱有并刀那翦得
當時已足令心愁如今况復隔羅浮掩圖却入高臺望
但見遠海連天流暮歸朝出誰與侶蜃霧蠻煙結悽楚
木棉花落鸚鵡飛苦竹叢深鷓鴣語

劉崧兩見

題平川雪霽圖爲張用可縣丞賦

南天北風暗吹雪川上遙峯互明滅雲陰欲墜曉光迷
河流不動層冰結魚龍下蟄深澤冷鴻鵠啼饑眼流血
千邨萬落連蒼莽驚沙枯樹相淒切行人稍出皺手足
悵望林居總愁絕我家邈在武山東屋前石岸多青楓
野橋渡溪沙路遠皆與此圖風景同窮年念此政欲返
寒色恍人虛庭中長鑱斲藥崖谷滑短褐負薪環堵空
閉門且爾暫投息會見日出光矐矐

題山水圖贈興國高多管將黃進賢

遠山亭亭削蒼玉近山盤盤出平麓林生作此最奇絕
白日高堂坐空谷谷中出雲雲上天深林曲澗迴清妍
綠蘿初挂紫岩雨碧樹盡含秋浦煙北屯將軍舊知己
看畫尋幽心獨喜爲卷窓間一片雲送君更渡藍陵水
藍陵山前霜葉黃亂峯刺天如劔鋸何當盡掃豺虎穴

與子巢雲歌鳳凰

出長逕藍陂

行人三五度回溪亂後人家井竈迷蒼耳黃蒿無路入
斷垣細雨鶉鳩啼

度嶺

蘆葉蕭蕭亂壓頭石攢山擁路如鉤陰沉不見天邊日
鳥自喧啾水自流

茅坪

斷壑荒岡少樹林翩翩何許一幽禽欲棲不定還飛去
白葦黃茅秋正深

小莊

老虎廟前溪水長白羊坪下晚山蒼到家未遠心先近
指點行人問小莊

相石

追騎東來咫尺間六丁擣斥下孱顏義旗有道從容去
雄劍無光悵望還拔地雲凝千古怪當關壁立萬夫閒
誰爲滅宋鑄岩石羞殺當年海上山

寄贈陳侯短歌并柬項性高陳宗舜

陳侯昔尹興國時爲政喜尙清而夷訟庭無人山鳥下
吟鞭且挂甘棠枝聞君佳譽墮兩耳玉樹亭亭照秋水

至今父老稱誦之滿縣春風送桃李錦袍羽箭烏角弓
身騎官馬如飛龍只今出入宰相府帳下貔虎皆驍雄
羨君多才仍好武輕騎能衝陣如雨酒酣肝膽向人傾
起拂吳鉤坐中舞我有狂客陳邨民爲言昔者長相親
幕賓况有項文學安得一見清心塵激江沙晴秋草綠
却望崆峒歌伐木王郎定棹酒船過我行不歸將奈何

將歸南平賦別羅斗明

五月辭滕閣南船遇北風故人一相見乃在大湖東湖
東無數垂楊樹執手殊鄉驚忽聚迴歌沽酒豫章樓且
復維舟爲君任憶我行年遊潞川城南日出花如煙龍
王潭上釣秋水太傅巖前聽瀑泉洞門盤盤萬松引更
愛靈山石如筍當時題句最思君南海雲濤隔飛隼何
年海上却東歸棲息瑤岡掩素扉春雨歌殘紫芝曲秋
風吹老綠羅衣南州蕭瑟風塵起躍馬提兵從此始野
狐不敢向南號寶石峯前陣如蟻知君卓犖負奇才離
亂相違心眼開繡衣使者入閩海攬轡定覓君同來龍
沙吹雪日欲落旌陽仙居久寂寞人生富貴徒爾爲須
把高懷付斟酌我有古劍青芙蓉起舞莫惜千鐘空明
日開帆上江去思君却望水西峯

聞贛已被圍而東固大坑又合兵攻興國有懷伯

氏子中寓贛縣之禮原阻亂不得歸

歎息荆花樹今年好遠遊路從兵後斷書是亂前收漂
泊從誰問艱危信自謀時時驚夢見不解說離愁

再懷伯兄子中時有同客興國者從間道先歸兄
以道阻後期不果

貧賤輕離別艱危昧死生獨遺同里伴仍阻異鄉程愛
想深山憇愁聞間道行幾時秋樹下慰此淚縱橫

秋夕懷一兄及四舍弟時俱客興國縣山川阻修

音問邈然二首

豈謂無家別三人各遠方已嗟甘旨薄翻覺道途長激

水風湍白瑤岡霧樹蒼書來定早晚莫遣鴈相將

好在程溪上月高愁掩扉也應念行客獨自對清輝細
草露初白高河雲正稀庭前紫荆樹歸夢故依依

令公巖送張廷亨歸興國

令公讀書處歸去又殘冬潭冷魚依石巖深鶴護松穿
雲窮望眼踏雪記行蹤明日平川道相思隔萬峯

送芳上人遊興國清涼寺併柬竹間禪伯

又飛雲錫度林關好去清涼第一山寶氣定隨樓閣現
禪心長共水雲閑幡幢說法千華裏鉢鉢看經萬竹間
從此巖棲相見少肯將詩句落塵寰

陳 謨字一德泰和 人海彙集

甲辰九日遊興國靈山寺簡同遊

車馬爛輝光登臨向上方攢雲象峯直引路萬松蒼澗
 底蒲茸白籬根栗葉黃爽猶宜羽扇晴復麗羅裳縹緲
 雲關峻岩巖石徑長雜花明亂草好鳥隔幽篁漸近精
 藍城俄聞洞水香棟梁何翠翠金碧極煌煌崖裂獅初
 嘯巒迴象欲狂鯉魚新上水靈鼠舊依倉四句皆山形石筍
 何年長池蓮此口荒鐵船歸瀚海方竹壓瀟湘瀑散晴
 空雨林含伏日霜行雲走神女卧鉢隱龍王一紀長離
 亂叢林半在亡如何超劫劫獨此見堂堂喜挹清河彥
 兼承入幕郎風流同茂宰嘯詠及重陽杯紫浮爽烈鏡
 虛插桂芳高僧慣賓客才子盛文章壁怪前題漫游疑
 後日忘少陵多秀句偏在贊公房

乙巳正月攜家自永豐蕭原鄭大中氏復歸平川

雪晴郊行分得數字因用述懷

冀飛窮孟陬鴉喜喧晴宇食罷澹無營意行愜幽趣章
 縫六七人諧笑雜今古出行仍關市負郭皆樂土霜留
 草頭花雪落松梢雨山翠掃嬌娥水光搖浴鷺梅殘驚
 縹蒂柳弱未金縷縱橫野人廬大半無外戶皆云縣官
 好所病在軍旅近因哨糧卒出沒甚虓虎劫財野為青

殺人血漂鹵以此不有
全家入城任縣官極保障郭
外今安堵官軍多下流執訊繫長組向來劉表鷹化爲
張湯鼠家人尙未還賓王闕茗具昇平亮可復籬落勤
遮護桑柘卽抽萌鶩鳴尙多數芳菲亦未通笑指桃李
樹乘除理則然甘苦要相補我從去年秋不得戀墳墓
避地來平川誓將遠抄虜淒涼填與篋白髮走歲暮彼
各天一方鱗鴻杳無據前登胡公山似蠟緣壁度懸崖
臨不測仄徑憂跌仆竦身膽爲掉况敢一下顧喘噎投
郵家郵家亦寇伍危言相恐迫云此難久駐喚兒自束
髮導客從兒去所利客資費奪攘俟中路我家一伯指
幸不罹此罟脫身走鄭鄉奔竄泥沒股鄭公素長者見
客深慰撫薪米旣幸周時亦分酒脯草菅藉地温伏枕
且無慮新年返平川復此名勝聚自聞野人言驚悚狂
欲舞縣官希魯卓才子追沈杜深懷五色筆隨意數行
酌清吟勿體拘占韻實齒序藹藹春雲垂泠泠石泉語
志喜亦未然姑將記愁苦

乙巳除夕次蕭極初韻

歲寒不作還家計倚遍仙人十二闌霜淺臘梅殊草草
苔深墨竹却桓桓時彈焦尾清還絕不酌流霞興自寬
一友風流知我者恥將心事學馮驩

題呂仲善所藏汪水雲草蟲卷子

卷中百蟲各極情態而終以大小數鴈豈所謂
江南破百鴈來乎水雲寓黍離之感於畫圖觀
者淒斷

瑤琴理罷松風長懶上湖船看歌舞行雲流水有心期
野草閑花各天趣紛紛蟲羽恣飛揚散入毫端無遯處
尋香逐艷何從來含睇凝情如欲語黃荃崔白稱好手
研吮朱鉛眩童豎不肥不瘦潤有餘墨暈生春獨清楚
春蘭翛然如處女短不出叢秀眉嫵夏芷仙人白紵袍
長身玉立風生宇何當石根容我步烏紗筇竹從容賦
漆園蒙莊知道者夢裏化爲蝴蝶去迷迷栩栩情態多
什什伍伍花間住顛魂無定却無歸粉翅織紋細如許
象房守宮半夜走玉帳佳人成白首絡繹蕭條蟋蟀寒
山河已落他人手籬根冉冉牽牛花瓜蔓藤枝亦何有
西湖清淺綠荷彫畫橋隱約春風柳海潮不至天日傾
七寶金鞭從北狩雙雙朔鴈俱南翔莓苔米連瀟湘
飛鳴宿食各自得豈有增繳仍須防道人蒿目難爲傷
銅仙淚盡天亦荒琴歌旣斷賦無續畫圖彷彿存興亡
平川呂氏好古者不鄙謂予題此畫忽憶秦皇漢武年
萬事輪雲如走馬

題營邱山房圖

稷下古諸姜營邱小洞房鄰存鍾令宅里似鄭公鄉亂
後蓬蒿長春歸棣萼芳每從黃髮老最譽白眉郎一室
如函史羣書自大方移床分竹影掃壁散芸香輪鞅莓
苔外鳧鷖几席傍歌商懷考父玩易到羲皇建業看圖
畫平川隔水鄉參差多點染窈窕極蒼茫山勢元宗岱
溪流想釣璜高秋憑虎踞何處覓鷹揚

葛洪丹井

豈復風流似葛洪尋仙還到紫陽宮遙聞環珮鏘雲表
尙想丹砂浴井中白髮那能生羽翼蒼生坐待起疲癯
銀瓶素綆中宵汲怕有蟠龍解噴風

和友人韻

霜林紅葉有妍華出郭幽尋興自賒蒼耳草深非故道
牽牛花好是誰家雞羣野鶴嵇中散鵬背天風蔡少霞
邂逅平川同逆旅時時踏屐響晴沙

劉郎清賞何乃違休日復自扃柴扉橋邊無人理黃石
天上有星尊少微薜荔暗侵揚子宅鳩鵲長占少陵磯
日斜桐葉題詩罷頭戴黃鴉緩緩歸

黃仲宏捧詔至平川却回贛兼懷諸友

崆峒山翠似金華坐使初平不憶家香染紫泥隨綵鳳

花簪白髮麗烏紗平川對酒松風薄貢水看雲鳥道賒
痛飲讀騷空有約長歌伐木其無涯

解

縉字大紳吉水人侍
讀學士解春雨集

與凝節去興國

平川學遠冬青樹去逐青箱賦子衿受業幾年知寸益
娛親一飯值千金瓊梅桂月烏啼早廬阜松雲鴈去深
遙想扁舟同處處不堪迢遞更追尋

唐子儀

名文鳳以字行
縣人興國知縣

題靈山十一景

引路松

蒼松夾道龍髯怒常引遊人幾朝暮神僧肯許斧斤尋
况予特遣山靈護疎陰亂落晴雲堆重重滿地掃不開
小童久立候歸錫一雙白鶴驚飛回

雲關亭

危亭踣立高倚山紅塵不到白雲關鉢盂氣吐伴龍伏
經函影護留鶴閑一聲幽響破禪寂學道九年空面壁
有時幽瞑坐來深霏霏細雨袈裟濕

鉢盂峯

天地鴻濛久開闢知有神僧此留錫圓峯形狀同覆盂
萬古巍然著奇跡愚公用力不可移鬼工獻巧那得施

直恐降龍在其下晴雲冉冉微風吹

石筍峯

尖尖峨峨如筍長高標那放凌蒼蒼千年風雨不成竹
只訝籜龍頭角藏玉版禪師人不識石頭路滑行難得
森羅何似錦棚兒雲吐風吹倚天碧

伏虎巖

空巖奇偉如伏虎猛勢猙獰自今古陰陽二氣幻此形
留與神僧傳佛祖頭城尾旌徒自豪寒雲落日風蕭騷
幾回出定坐清夜長嘯不聞山月高

水月亭

禪宮有亭幽境要識水月光中影涼波浸透禪心清
寒輝照破寒夢醒明明此性皆圓通水流在碧月在空
誰能悟此因指見一滴已續曹溪宗

玉珠泉

石竇流泉瀉寒玉激石崖懸灑飛瀑是中疑有蛟龍眠
噴出驪珠三萬斛輕跳亂撒難再求相看泣對鮫人愁
山僧漱嚙諷經罷冰簾夜挂明月秋

環碧亭

碧山碧水環四周危亭據此真清幽陰雲千層昏白晝
清波數畝漾龍湫欄杆笑拍閑徙倚恍然自悟西來旨

山僧坐久衲衣寒一片禪心吹不起

白蓮池

小池瀦水涼波窄淨室亭亭瑞蓮白非紅非青異尋常
因悟宗承空是色何人結社來此遊陶公自是攢眉愁
高僧豈無遠公輩老我朝簪當早投

芭蕉洞

芭蕉種成陰作洞九夏涼生禪榻凍誰言脆質不禁秋
大葉披披搖翠鳳禪餘坐對情依依題詩寫遍日暮歸
幾回吟罷心境寂碧色遙映袈裟衣

月池

水池水漾似磨鏡秋月沉波寒影浸乾坤清氣許誰知
長照禪心清入定鉢盂降龍夜不眠潛形出谷驪珠圓
廣寒宮闕不可到波神拱揖吳剛仙

釣橋

斷崖奇石險無路棧接橫橋人可渡縻繩架木似懸空
勢態凌兢每懷懼何當剗削大道平金井昔日煩五丁
山僧飛錫自來往不須羽翰翔風輕

題東龕十景

讀書巖

女媧煉遺補天石六丁下鑿開巖室山靈訶護不敢居

明詩 卷四十二
留與中原貯秘籍至今猶聽唔咿聲罡風吹度淵龍驚
白雲萬古封故迹汗青歷歷留芳名

試劍石

怪石兩分自中斷形勢巍峩色蒼紺令公試劍劍有神
應識當年平內難鋒鋦不須耀雪霜匣藏三尺紫電光
若教砥礪剝犀兕空使李廣彎弧長

筆架山

雨沐蓮峯青朶朶移來宜付中書卧東溟爲硯雲爲箋
寫遍長天愁欲破令公手攜登玉堂鳳池波浸山蒼蒼
龍蛇鸞鵠有神助九霄夜貫晴虹光

石筍峯

尖石巋然疑筍出絕似龍孫起雷蟄草如籜解春雨香
樹若脂凝曉雲濕山鬼忍饑不敢鋤頭角故倚青天孤
何年成竹結丹實鳳凰飛來啣瑞圖

石舫

無帆無楫空類舫不經江漲波濤漾當年已辦濟川功
留得遺形巖石上縱令百丈那可牽高歌擊節時扣舷
雲流如水疑欲泛桑田滄海多變遷

縹泉

兩股寒泉交互絡圍繞山腰遭束縛金鎖朝垂鐵石懸

玉繩夜浸銀河落當年會繫內難兒至今千古流無窮
我來泚筆寫奇句一條噴雪飛晴空

銅鑲鯉

放生湖中有金鯉身帶銅鑲弄清泚多年變化神龍
三十六鱗雲氣起已能濟世成甘霖汪波涵育德澤深
霧鬣茫茫不復見千年空負琴高心

東龕寺

東龕古刹寄巖麓令公讀書有遺蹟瑟瑟風語龍髯松
瀟瀟雨敲鳳尾竹流傳香火將千秋長鐘暮鼓雲悠悠
鸞笙鶴駕碧霄遠神歸故國應遠遊

甕潭

空潭形圓小如甕寒泉注滿波紋動秋蟾落影如明珠
夜永驪龍常起弄若能變化葡萄醅酣飲吏部應時來
黃庭內丹日嚙漱青山猿鶴無驚猜

瀑布泉

百尺飛泉如瀑布直瀉懸巖幾朝暮氣迷雲縷鮫綃垂
光射冰簾月鉤露當年爲挽錦袍仙好詠銀河落九天
東龕洞口流不歇千古界破蒼山煙

董

越

字尚矩寧都人南京工部尚書諡文僖圭峯集

送劉上舍歸興國

碧梧修竹秀娟娟共說名家有後賢
壁水且聆揚子鐸雲衢還著祖生鞭
離亭木落秋風後古道楊垂夕照邊
歸拜而翁應念我爲言雙鬢欲皤然

鍾

字良玉號西坡永豐人
咸寧知縣蚤秋漫稿

和長教袁先生

孔思周情寄一氈春風時雨自年年
杜陵慣糴太倉米顏氏非無負郭田
仕路半生心似水故鄉何處海連天
不應昨夜還家夢已逐元真覓釣船

時輩紛紛蟻慕壇先生獨冷獨稱賢
池芹夜雨青於染壇杏春風香滿壇
天地虛舟何處著文章心印定誰傳
相逢相慰還相笑此去須尋葛稚川

酒病詩魔不可禁杏花壇上坐春陰
紫芝無處尋商隱綠綺有時空越吟
蘭漿煙波南海路草堂風物北山岑
遙知千載雲林下多少交遊想盍簪

蠻觸蝸分卒未休豈知名利只如漚
幾人真有揚州鶴一炬今無亦壁舟
自古鄉評空月旦誰人史筆繼春秋
君心不解如鈎曲且向人間作醉侯

一日鄉心幾萬回水邊林下憶徘徊
懸知白壁無多價頗惜黃金有舊臺
浩洶風濤悲灑瀨蒼茫雲海隔蓬萊
桂花香裏芙蓉老憑仗江梅好好開

放浪形骸數十年生憎傀儡被人牽青雲早自騫孤翼
赤手親曾障百川見說商山芝似草從教太華藕如船
丁寧且與琴書約早晚歸裝下古虔

劉

鴻字雲表泰和
人七星集

遊東龕龍潭

兩巖高竝此中奇越國他年恐未知霖雨合呼龍卧起
山花休笑客來遲笙簧滿澗非前水苔錦封題定後碑
踏破煙嵐飛雨脚仙蹤何日更相期

飲鳳岡勉蕭生敬德

刪後篇章久覺稀今朝仍見賦緇衣丈夫未可輕年少
老大居然見昨非風飽秋高鵬翻健雷驚春浪鯉魚飛
鳳毛原在鳳岡上五色雲中振羽儀

怡萱歌爲興邑呂紹經紹武作

今日天色好春風扇高堂佳兒立東序步履何踟躕身
著斑斕衣口誦南陔章佳婦出中閨環珮聲鏘鏘升堂
拜慈母衣跪進壽觴攜兒環膝下願母開顏光撫景正
娛樂感舊還悲傷昔聞黃鵠歌弔影岑寂鄉青銅照肝
膽皓齒嚼冰霏悲風滿竹榻明月懸洞房長機復短杼
切切稱未亡諸孤各漸長屋濶家益昌兒能養老母婦
能奉姑嫜今朝華堂燕取醉百不妨崢嶸貞節母作善

能致祥似持左手券取給於蒼蒼清朝崇節義激勸有
典常明明聖天子賢守牧是邦風化非細務安得久遺
忘

海

瑞字汝賢瓊州人左都御史諡忠介備志集

贈蕭珏

曾向石蓮覓靜機雲根結社自希夷鏗然不盡春風淚

一曲高山遇子期

唐邦佐

字惟良蘭溪人光州知州

夏日盛大尹邀飲龍華菴

石約尋僧並出城葛衣竹杖陟山輕分明鐘鼓從空落

繚繞川原入眺平雲護龍宮晴亦濕石開禪榻暑還清

憑虛抖擻塵襟淨不負南征是此行

龍菴迥結倚雲端石徑紆迴車馬難攜酒臨空煩地主

有僧對客坐蒲團斜陽鳥度千林暝峭壁風生五月寒

醉倚危欄遙指點片雲直北是長安

吳宗周

字熙偉號嶼梅福建南安人鄭州知州

大乘寺鐘

疎鐘何處響玲瓏奇跡飛來自紀宮敲動頻開千戶曉

傳餘吹度五更風

橫石灘

磯石縱橫並虎蹲
駛流瀕洞躍龍門
怒濤溘溘山皆應
似激風雷遠近奔

李天敘

廣西人興國知縣

東龕雜詠

存六首

讀書巖

紅透疎櫺日正東
淒淒芳草憶鍾公
山禽猶識讀書韻
時向巖前噪曉風

試劍石

當年洞口試霜鋒
石上曾遺切玉蹤
却笑孫劉分很石
白攜神劍混唐封

靈湖石

石窟丹成火欲然
湖光射日浸重淵
巖雲忽作三更雨
又是壺中一樣天

筆架山

玉峯次第插天青
俯視三江一硯平
想是仙翁會閣筆
朝朝此處有雲橫

銅環鯉

昨夜風雷起碧潺
錦鱗何事去仍還
山靈爲惜神奇助
故與銅環挂壁間

瀑布泉

飛流萬丈挂層巒
潑眼還如瀑布看
莫是銀河原有漏
九天直瀉白漫漫

歐陽鉉字子玉廬陵人野蕪園集

早渡興國江

積水浮無際舟隨四面通
江聲喧樹裏帆影亂雲中
岸列青青草人披習習風
憶來寒復暑客路尚飄蓬

劉勉之吉水人

鶴林寺

崇寧宋室有遺踪
梵刹清幽傍碧峯
棲老松巢看院鶴
吸乾硯水聽經龍
不塵僧榻日長照
無鎖禪關雲自封
淡墨數行留壁上
後來誰把碧紗籠

張爾期吉水人

前題

鶴林寺裏夜鳴鐘
百八聲傳度遠松
人在翠微深處卧
一時詩思落前峯

御請溫教前奉

身沐清風身動道百人整躬克己人五經傳

前奉

興國縣志

興國縣志卷之四十三

興國縣志卷之四十三

藝文九

國朝詩

周令樹 字計百延津人贛州府推官太原府同知

興國

捧檄來興國江邊復嶺邊竹籬穿紫石板屋接青天古
鏃拾殘壘新魂叫暮煙憑軒問父老帶甲自何年

謁海忠介公祠二首

忠介承平日彈琴治此城巋然一像在相對數松清小
聚人咸市空山馬不鳴驅車詢往事父老幾吞聲

此老立朝後名高御史臺如何為令尹遂已動風雷下
吏能張膽大臣真愛才蕭條悲異代繫馬拜塵埃

梁清標號棠邨真定人大
學士蕉林書屋集

寄贈興國會緝真

湖海身閒汗漫餘江城白髮混樵漁遊窮芒履山川奧
學受青囊卜筮書抱膝煙霞供嘯咏開樽風月到庭除
鬱孤臺北壺天閣花外應多長者車

吳正治字庶菴漢陽
人大學士

前題

世棄巖遵老山尋尚子游著書貽令尹飛矢謝滄洲庭

授芳芸靜門栽讓木幽法法貢江水黃髮映羊裘

魏書字石牀
寧都人

紀聞有序

凌雲山直宜黃永豐興國諸縣間有山野人萬
歷中來居是山不受結繩書契譯其語言非廣
之排猺坳鬼必閩之濱海島所居民也其俗女
勤而男惰以耕織自足亦不甚異人性能生食
諸蟲毒冬夏無寒熱二十年來種漸繁近以世
亂稍稍徙去云

凌雲山綿數百里牙鼓靈峒中峯起險谿怪壑暗靈湫

中有毒龍潛淵底時時只見雲霧興微雨常飛晴明裏
穆穆高木蔽陰風白晝暝冥魑魅喜此中聞有山野人
無識無知同鹿豕其族來從萬歷中種類難名聲嗟噫
腰縣籬纂各不同意儼以此標姓氏二家男女互為婚
與世通姻遂為恥到處嘗土識土宜覘土厚薄為行止
所居多至三五年土力既盡輒他徙徙日山山廣植杉
殷勤便報山租禮居倚木石畧覆苫結芒遂安牀與几
嬰兒常挂樹枝頭星風露月猶鋤理樹藝五穀俱怪奇
高嶺插禾不須水墾草無事敬人時但看花開為歲始
俗喜虞機口腹費亦嘗徒手格虎兕含血保蟲食何疑
往往弁及蝟與蟻長幼自然合彘倫片言要約無回齒
吾嘗撫時動深思太古遺風不再矣安知山澤有黃農
淳悶居然在於此兵寇充斥近年來厥類潛蹤絕首尾
先幾復與齊民殊反笑豪英束縛死隱耶仙耶何處歸
凌雲之山生無已

顧

岱

字商若號止齋無錫人戊戌進士
贛州府同知陞杭州知府

甲寅冬江背峒撫賊紀事八首

匹馬臨江背前旌近賊營由來皆赤子何忍作長平地
險輕王法民頑有至情撫綏原不易先軌是陽明
白刃戕多命黃雲覆敵臺孤營兼雨困羣寇仗天裁野

哭收遺骨儲糧付燼灰空憐諸難婦辛苦賊中來
山鬼稱都督勾連亦杞憂螺山頻告警鼠穴布新謀暫
解黃巾甲仍歸縣尉頭帳房霜露積敢悔此淹留
偶然學聚米何事夜量沙聽鼓軍能振傳籌士不譁
生還有舌李廣漸思家醉卧沙場夜憂危看鬢華
受降城更築峒口列行營賊黨終疑畏吾言本至誠宰
牛安壯士灑酒酌神明羅拜深山裏終當感

聖情

凝寒愁積雨獨坐聽嚴更氣壯中宵角山懸戍火營逆
顏燿欲拒挺嶮鹿頻驚廟算須長策吾今憶祖生

共道兵猶火誰知叢有神儒生疎劍畧大將播

皇仁襁負披荆棘降書列主臣鼓鐘開宴饗戎首叩車
塵

殘冬依戰壘花事數歸期好友皆孤另清齋久別離
聲騰虎旅勁氣爽蜂旗白面終何補爲賡奏凱詩

徐祚煥

送會煥卿南歸

會君文迪之苗裔

龍章特徵相幽薊南北山川入掌中指歸不與凡夫例
凡夫相地不問心君言吉壤歸吉人此言一出破羣謬

身國縣志 卷四十三 國朝詩 四
始知九卷皆虛陳今君然事高舉青鳥一卷囊中貯
稚川丹井泉涓涓白石供餐幾回齋

張貞生

字箕山廬陵人翰林學士

贈曾煥卿

衫履脫然來自東不知世上有樊籠為吾撮米言形勝
大地山河指顧中

鄭亦鄒

字居仲漳浦人

贈廖一臣

遺士堂封春草青峯前一片石停停何人為理松間鐫
郭璞囊中出葬經

王士正

號阮亭新城人刑部尚書南海集

題雪霽南轅圖送張宏遠之官興國

蟄蟲已墜戶行旅方閉關問君將何之穀鯨駕車冰塞
川層冰峨峨鹿鳴澤六出花飛雪盈尺蒼茫不辨黃金
臺突兀遙連太行白車中有客裘蒙茸高枕抱膝如隆
中昨朝秘省吟紅藥今日寒原逐斷蓬君家清門臨南
里遙指西江隔雲水三高祠下去松陵五老峯前渡彭
蠡丈夫何用別雄雌寒谷亦有回春時鬱孤臺上獨搔
首應續當年玉局詩

再送

薄宦三千里驚濤十八灘萍蓬岐路遠松桂玉堂寒木
客吟中聽山都樹杪看炎方風土異行矣慎加餐

顧圖河

字書宣江都人翰林編修

前題

日瘦風酸氣凜冽把卷空庭看殘雪宦途染指識酸醜
若個焦羔兼膈髓倚窓闕展南轅圖絹素迷離忽騷屑
川原蕭瑟鮮行旅煙嵐遠近紛明滅澤腹堅凍高岷峨
十丈層冰如積鐵牛車載書行犖確車中之人用意別
狐裘蒙茸欲何之凍柳槎枒未堪折公才公望世所推
出宰百里詫奇絕虔州舊是山水邦翠浪虹橋森拱列
文字端明證夙因江山清獻停車轍君今宦遊實繼之
螺亭如鬪青蓮舌翰林偃仄君眼見臣朔金門苦羈紲
洋洋章貢樂長饑一笑人間面顏熱猥予作客不稱意
每對初陽生眼纈乘傳期君及早還莫言官序文人拙
神仙淪謫事偶然繡衣十襲爲君設呵冰炙硯送君行
陽關三疊歌初闕

繆

沅字湘芷秦州人翰林編修

前題次韻

狐裘不暖朔風冽又見燕山三丈雪桑乾河頭日送人
獨跨疲驢如跛鼈張侯別我將之官手展畫圖意騷屑

天邊黃鶴競嘴距雪上冥鴻寒印滅紅罽裹身叱馭行
白楊聲響堅如鐵太息君爲章貢遊消魂此是河梁別
君昔翰林官中朝脫口詩成我心折匪惟王瞻美三術
亦復顧愷饒三絕才人作吏自古嗤誰遣音聲寄朝列
分符喜得山水邦上洛山南卧車轍我聞巖石三百里
襄陽東坡兩捫舌當時愛作賈胡留宦遊詎復傷羈紲
廉泉一掬玻璃寒洗淨塵埃肺肝熱到官剛及早春時
紅樹江梅眼生纈上車不落竟何常萬事何妨用吾拙
山縣從來訴牒稀隱囊塵尾聊陳設黃紬被暖曉吟清
獨鼓隆隆聲正闕

劉

巖字大山江浦人翰林編修

前題

蘆溝水凍漸不流燕山雪片飛不休朔風一夜捲雲散
千峯日氣纏銀虬阿誰笠帽被罽裘柴車一輛驅兩牛
一牛負輓肩駕輶一牛纍纍腰曲僂藥囊書囊鈇蒯緱
脊梁駝負安如舟饑嚙枯稽冰滿喉泥深石滑何用愁
避世金馬心悠悠宦情總若浮雲浮贛江之水清且瀏
去上螺亭登鵲樓此行豈復生鬱憂臣朔饑餓死卽休
豈如銅章爍爍帶垂鈎江黃舒蓼相匹儔排衙擊鼓居
上頭有民有社稱諸侯何必取青媿白同俳優車輪蠟

輓牛猶猶槎枒寒木風颼颼

李

鎧字公凱號漁村山陽人內閣學士

送張損持館丈出宰興國

男兒束髮飽詩書豈徒丹轂榮簪裾通籍業已登石渠
開濟固合平生儲不爾課績慙空疎筐篚下逮胡為乎
吳江太史今嚴徐早歲出入承明廬賦手飄然凌子虛
一時作者名誰俱顧切同患感厥初蒿日時復心煩紆
大廷詔下恰外除百里何必非良圖章貢形勝稱輿區
激江更不煩鞭蒲伯溫程氏古大儒會宰此邑垂嘉譽
神明先後應不殊坐聽無訟歌比閭化行高齋常晏娛
寧碍碧山焚銀魚酬知不在春華敷讀書松桂官非麤
一別三載只須臾昌言早向

彤廷趨

潘

耒字次耕號稼堂吳江人翰林檢討

前題

詞林盛儲才妙選書升秀良金更陶鑄德業期造就譯
書一藝耳旁通便筆受奈何用程材殿最以此奏張君
華國才鸞坡早騰驟移病十載餘著作等身富起補入
承明文章推領袖翻譯非所工毫釐能無謬坐茲遂左
官新銜改除授同尼四十人聯翩去朝右青藜黯無輝

志士為心疚何當修六典太史職還舊不侵象胥官一
洗蓬山陋

人臣服官誼出入勞宜均宋時元魁選並令官親民俟
其著聲績乃擢侍從臣欲令曉吏事然後垂朝紳此意
亦良善乞外古有人君今宰百里雖屈道亦伸有民而
有社盤根試風斤可以樹德惠於焉展經綸勿厭簿書
冗勿苦俸入貧勝索長安米瘦馬衝紅塵勉哉砥清節
堅白無緇磷佳政一以立令聞當日新三秋可報最重
看上

楓宸民情與國計媿媿前席陳懸知金門侶練達無公

倫

王思軾 字眉長號小坡
邑人禮部侍郎

靈山

名山洵多奇靈秀冠茲邑閎氣亘輿圖殊形表坤極諸
峯鬱青蒼羅列數百億得無創構初實煩造物力顯晦
自有時天巧不遑匿軒然神鬼工翻為後人得遐思羨
飛騫嘉覽奇登陟寧辭杖屨勞一往窮不測巖巒數虧
蔽林果富封殖江濤迴練光石壁類鐵色乃知禽向遊
何常限封域五嶽安可尋三山未能即回首渺曠觀層
雲盪胸臆

觀音巖

花雨飛寒香長夏無炎景誰將普陀巖超然置人境大
士盤跣踞端居契深靜上覆林木陰下俯水天影清響
迴涼颺餘霞帶輕暝佳約欣始諧游目時一騁屢聞溪
鳥喧但覺石泉冷隱雷過南山夕陽破西嶺幽壑瀉復
停連峯散逾整白雲若波濤彌望數千頃自顧機事捐
况乃幽思併皎月照上方踟躕漏初永

香鑪峯

西江匡廬峯香鑪最雄傑日出盪層霄恍視紫煙蒸茲
山從何來氣勢宛相埒疊嶂覆寒雲懸崖破積鐵造化
侈壯觀玩好極陳設狀物實肖形命名紀前哲左顧祇
林幽右帶流溪潔孤高不可躋一往每百折風雨千年
餘石壁陰蘚裂木末迴斜陽飛翠互明滅須臾見金光
連蜷挂雌霓如彼焚柴升崇岑罔不徹天門敞虛無臨
風數蕭屑

石鐘峯

大塊如洪鑪陰陽執鼓鞀象物鑄山川石鐘出江介歸
然一峯尊特立當險隘初無斧鑿加胡然著靈怪巨石
每孤懸清溪儼雙帶縹緲藤蘿纏深沉風雨灑蒼蘚剝
蟲蝨與草紛壅薶委地寂無聲或恐追紐壤杖策得殊

身圖集卷之三 國朝詩
觀驅車情言邁乃知皇古前造物施狡獪俄聞迴颺生
鎗鏃發天籟願持寥廓音於焉驚聾聵

象鼻峯

崩雲墜太虛委地如寸土矯勢復孤騫亭亭植天柱過
客快指觀番象飲溪澗定物有殊能掇物以鼻取臨流
尻逾高降渚首彌頰洞窻多給訝利齒紛可數豈其眷
清澄佇立自終古丹泉靜涓涓白石鑿楚楚剝蝕篆蟲
魚騰驤驟羊虎茲峯獨不羣巍峩邁僑伍髣髴洱海裝
伊誰繫尺組微徑復窺尋褰裳越林莽

龍胡石

軒皇上升時龍胡白天落突兀化雲根憑虛入寥廓山
勢偶一迴崢嶸見頭角下垂百尺蘿土引千尋湊谷暗
俯頤頰巖空展斷齶片石態轉奇于思安所託得無天
紳懸或乃地維絡陰藓競之而霜峯破廉鋸恆恐風雷
驅終宵奮騰攫胡爲至陽精沉淪在幽壑人情喜更新
造化忘穿鑿誰勒山阿銘於以靖謠詠

珍珠泉

山川無盡藏靈源不擇地緬此百斛泉矯作千尋勢驚
颺灑巖洞紛然寶珠墜震盪迴江濤冥濛洩雲氣疑有
鮫人宮微茫隔空翠時於飛瀑懸潛隕織綃淚或乃數

澤間虛無宅神異值茲巨靈掌竊取驪龍睡居高出以
時潤遠隨所致始知大造宏實爲萬物利蕭屑轉喬林
陰寒停薜荔幽賞在名區臨風累遙企

方竹徑

山行不厭遠舍宅入幽谷兩厓逼烟霏一徑墮雲木巖
蒸石氣青壁繡苔紋綠仰視天漢光偃側不容幅豈伊
昧往還前路紛以曲夾道多脩篁蕭森削寒玉託體惡
輕圓孤生具節目爲憐勁直姿詎畏風霜顛顛步境屢
遷欣賞隨所觸陰泉灑暗聲秋花展餘馥遵去程遠
未遣征途速興盡行歸來披雲候樵牧

芭蕉洞

石乳溜懸厓玲瓏闕溪洞精鍊鏤堂皇朱霞結梁棟來
從萬山間地脉每一縱遠壑互綱維連峯交引控俄逢
奧室開尙覺前除壅壁壘亘金城巖扉剖銀甕於中漸
坦夷產物亦已衆嘉樹羅隱夫芳條綠平仲甘蕉最蕃
鮮聯行若相踵流響播笙竽翔空翳鸞鳳稍濡零露灑
始念秋寒重植根幸有涯全生類無用寄語北山靈幽
懷託吟諷

仙女潭

百折始一迴厓窮路方見澄潭媚幽囑太素含餘絢石

氣交空濛山容雜蒸菑寒暑候不常晨昏態屢變時方
積雨餘奔流下溪甸長河曳絳霄垂虹飲深澗崢嶸千
頃陂停蓄亦已遍天水涵空明孤光曳飛電似有神靈
姿聯翩出游衍蔓草披羅裳林花綴珠鈿嘉樹旣嬋娟
遙峯復婉孌俯仰挹清輝踟躕日將晏

重巖厓

清溪貫兩山前征路愈緬西厓鬱纍纍錫名曰重巖疊
嶂挂紅泉層巖護蒼蘚取徑入盤陀披雲下圓轉側視
乳竇垂俄覩蜂房展伊誰肆甕罌羅列緣絕巘人力欣
始加榛莽亦已翦磴道資攀緣林局足游行肯辭疏鑿
勞彌覺高深顯陶穴太古風遺跡尙甞勉累碁勢苦危
運甓智恆淺遙思抱甕言於以安孱蹇

金斗山

虔州古豫章靈嶽望廬阜其外茲山尊崔巍應南斗下
發激江源巖谷自牝牡崇嶺鬱峇堯連岡互紛糾上顧
天門高下鎮坤軸厚紆迴抱城郭磅礴帶林藪諸峯競
趨踰列嶂共先後亦如衆星朝北辰執樞紐緬睇良方
輿爲形實峻陡勢壓空同嶮險出雩都右二水并三江
一氣納八九稊米視川原茹吐量所受方知大造奇賦
形無不有斯理誠難明能者爲一剖矧乃景物嘉俯仰

得兼取絕壁聖丹黃層厓寫深黝雲縈灌木陰石瀉清
泉瀏振衣陟青冥憑高絕氛垢河漢淡鬚眉煙霞落襟
肘我昔愛名區郊坰卧來久商芝種滿園楚蕙樹盈畝
時編薜荔裳或偕麋鹿友中歲入風塵頻年事奔走服
食羨松喬容顏嘆蒲柳徒懷禽向遊取笑沮溺耦夙願
果獲諧良期寧忍負荷篠出田間躬耕依谷口興慙寄
圖書忘機對尊酒晏子齊牛山羊公悲峴首下載諒如
斯令名誰不朽

文丞相寶劔歌

層巖暗谷風騷騷上有劔氣干雲霄龍精何年此遁逃
往時開閫持旌旄丞相出師軍務勞玉匣夜斂虎豹韜
牙門壯士迴赤條芒寒太白秋河高巖霜片片飛錦袍
丁年憂國生二毛南奔萬馬如波濤天地崩墜哀所遭
龜紋縵理埋蓬蒿間關絕徼風塵塵嗚呼信國久不作
正氣依然在寥廓上有星辰下河嶽利器當年試盤錯
荆襄爲鐔豫章鏑長鋏湖襄齒廬霍太阿無輝腕力弱
一朝脫手千尋落金絲刻紐盤離索徒遣雙環鏤龍雀
失主終朝光落寞風雨何因尙騰躍丈夫作事誠卓犖
力挽頽陽效葵藿不上雲臺卽溝壑黃冠青史紛穿鑿
欲鑄心腸作干鏢

松樹歌

海公作宰官茲邑手植喬松數百尺日杲時聞雷雨聲
歲寒獨著青蒼色陰羅羽苞翕復張幹矯虬龍怒猶力
扶疎直欲干層霄偃蹇空勞踞盤石百六十年歲月長
邑人愛重如甘棠斧斤勿遣樵蘇近擁護惟憂匠石傷
一夜洪濤起深谷勢壓江河撼林麓亭毒還驚汨沒深
乾坤俄見推遷速枝梧旋教失異材漂搖早已摧喬木
勝概移時海若收奇觀失後山靈辱黛色霜皮且謾論
根株牙許幾回存蕭條不憚風霜苦長養終蒙化育恩
世運詳看有陵替磊落孤標等輕棄天地難容屈強心
山川敢効扶持意佳氣無由望鬱蒸故老猶然憶蒼翠
請看從來勁直姿末路安能免殄瘁

木客吟

上洛諸峯何峯粵木客窮年寄巖壑自言身是秦時人
親見咸陽土開拓阿房駸駸高入雲跨渭橫涇建樓閣
三千宮女競歌舞百萬民人受鞭扑竊憂微命隨螻蟻
勉使餘生偶猿鶴骨肉應悲遠別離林泉猶幸長棲託
但聞海寓數變更不記山花幾榮落草衣木食心所甘
虎鬪龍爭憶如昨事往潛驚容鬢改我生欲覩昇平樂
安得至治同黃虞萬室千家守耕鑿

石龜行

儒林鄉中有石龜世代流傳不可詰夙昔曾聞著神異
今此來觀見形質月逐斗杓時轉移象託坤靈體充實
循環歲序俄告終幹旋樞衡幸無失分明晦朔測星辰
指點陰陽驗時律介蟲三百汝爲長鳳鳥麒麟亦儔匹
不從大小獻禳祥却向泥塗作遊逸前度驚看河洛開
他時定見圖書出山川信美足盤桓國色雖多處專壹
石龜懷土尙知歸嗟爾人民去家室

文丞相祠

丞相祠堂在英靈迴未消松楸餘故國戎馬記前朝碧
血山河古黃冠歲月遙遺民懷舊烈長此薦蘭茗

海忠介祠

忠介留祠宇清琴此地彈微官猶展驥小邑暫棲鸞勁
草占風疾蒼松保歲寒甘棠懷召伯遺植許同看

徐

炯字章仲號自強崑山人山東提學

寄損持世兄

鬱孤雲樹杳難極懷彼美人天各一松陵儒雅本詞臣
少日才名那可匹揮毫作賦凌鄒枚電掣星馳驚落筆
楓宸入侍過八磚藜閣橫經陳太乙青門結騎憶同遊
柳拂花簪好風日君懷本是絕纖埃世事何嘗較得失

翩翩出宰激江濱分手河梁倍愴神越國功勳光宇宙
 瓊州宦蹟歎淪湮巡農課士風俗美剔弊蠲苛政聿新
 石筍峯頂堪嘯咏秦娥山下足行春山城列嶂開圖畫
 官閣分題供笑嘖還憶江南舊同侶魚書莫惜往來頻

劉宏鈞 字滄石安鄉人信豐知縣

寄懷同官張損持興國

極目峯巒宵清風過檻徐礙云秦客木藏壑越公書雞
 犬茆簷靜粒蔬稼圃舒寄聲一上宰卧治總清虛

陳阿平 字獻孟東莞人

寄懷張太史

門前一片東江水千里源從章貢開遙想故人為政好
 通流春澤向南來歷敷中外知民隱小試雲雷覩吏才
 太液暫時趨海遠恩波還待入瀛臺

憶昨羅浮下採風城南聯句孟韓同徘徊井上求心史
 慷慨崖前弔宋宮小物盡編南紀內 陸賈有南行紀 新書還奏
 北辰中嶺雲嶺水相隣並持節何由到海東

吳涵 字容大號匪莽石門人左都御史

寄損持

共攜珮珂侍

楓宸香案前頭是宿因墨綬忽驚分大邑玉堂至竟屬

何人絃歌漸啟文翁化骨格寧關虞
相迤望闕臺邊休
引領從來官好在親民

張亨 號鶴峯上杭人吳江知縣

興國留別家太史損持

烹鮮七載治如神撫字還須待從臣
越野桑麻真可喜
一牀書卷未全貧芝呈黃玉幾先見
西兆銀章寵自新
扶杖辭歸重攜手百年逆旅盡遊人

彭珩 字中叔寧都人草亭集

贈張太史

章貢上游地險崎僻且隘梅水與激江同流而分派荒

陬俗尚殊文物等秕稗宋代有大山講學倡兩戒蒞治

到平川發蒙振聾聵更憶謬謬姿代海忠介高風等

廬阜浩氣同湖海張公命世才琳垂金薤芳規挹杜

蘅晶瑩拭圭玠載筆玉堂中廿年仙界奉

詔忽南來下邑膏雨灑程海廟祀流風豈云邁吏治

與聖賢先後符針芥上下六百禩美咸稱快短歌前

致詞願展牀下拜

曾先慎 字君有寧都人

前題

申子務明刑刑明奸愈起緬惟古
正致治德與禮斯

義久無聞創懸蓋有以卓犖張夫子騷壇執牛耳筆補
造化工千秋仰惇史一朝出親民不遺安耘耔澌江邑
凋殘在昔畏多壘窮鄉積逋頑遠者二百里公以德化
人刑措人有恥老稚盡謳歌德音洽遠邇慎也窮巷氓
夙昔懷振靡親炙勤朝夕安得不色喜借寇亦偶然人
心思愷悌庶幾百世下藹然知治理

張太史官舍有黃芝之祥詩以誌之

昔人避秦託採芝乃至山巔與水湄芝房歌作芝之衰
宋時窮搜滿九達以求寵嘉日胼胝半山作記重以時
和拊於物理亦宜太史張公國之奇來治荒殘澌水涯
德充以化民不欺有桑謾謾茂本枝和鍾生芝桑之枝
小大并出光離離重旋其理玉其姿客有作頌長言之
我亦附會踵為詩不作芝房卿士詞商山人遠不可期
文武之道今在茲大雅涵濡千古思

湯承寬 字頌人 南豐人

贈張太史

閩門邂逅喜談心別去燕臺少嗣音宦興早如秋水澹
交情偏耐歲寒深三年報政還擎日百里親民試作霖
上洛山前蔡閣望故人隣蔭易招尋

湯承 字若人 南豐人

庚寅夏客興國張損持太史官舍有黃芝之祥輒
題三百字志喜

惟人冠萬物惟物得氣先自來積慶者休徵無或愆
猗歟張太史痾瘵民瘼虔百廢既具舉百祥亦集焉
但看儀門柏靈鵲三巢巔戊子己丑庭柏鵲巢興士於今官人作詩紀之今庚寅復來
舍旁芝生詎偶然色如黃玉琮大如四升邊爛如霞錦
敷蹙如雲濤旋跗白有餘潤質蒼知彌堅苑彼扶桑植
森梢勢參天綴旒相依倚飲和雨露偏會聞新昌宰鬱
生便坐造涪翁瑞芝記曰齒猶芳鮮譬之穎川鳳固為
循良傳何必帝王符銅池與甘泉我勤太史祝竚賡三

秀篇太史乃謙讓避席不遑前曰維昭

聖代曰維鍾激川長吏心所願嘉禾豐畝駢菁莪毓士
氣才雋奮聯翩微躬等株枿蒸菌浮雲煙庶為高堂慶
鄴菊兆長年維桑必恭止瞻依魂夢牽太史嘗欲歸賤養形於寤歎
子聽斯語服膺倍拳拳炎暑桑陰下浮白重流連此芝
似解會向榮態芊綿蕪詞紀盛事六月荷錢錢旅客行
俶裝月規初上絃寄語胡道士辟穀謝瓊田寄言商山
皓羽翼睨鴻鸞

張尙瑗

字損持吳江人興國知縣覆笥集

閣雨

黑雲圍四山猛雨無日夕陵谷倏同流渠雷一奔濤呼
號鬼神驚震盪鯨鯨躑左官赴窮陬客歲經大瘠魃虐
旱太甚千里池盡赤蔀屋無餅罌荒郊盈載骼顛連蒙
袂來咨嗟仰屋策傾廩發常平行糜遍阡陌且急倒懸
解未遑矯制責浩浩春連夏雷迸兼雷虢三霖無一霽
平地水千尺連朝陴吏報墮城如列帛起行衢巷間沒
腹還及腋比閭無完舍顛倒楫與碣平疇無畝滄縱橫
藻與柏山城異原隰置縣山之脊建旆苦湍駛水逝沙
成磧如何一頽洞岡巒化淵澤不識都與會江湖混潮
汝蹙蹙鳩鵠徒駸駸魚鼈厄下吏何能爲泣血虔叩額
刑牲前致辭雨師及河伯不憖遺我民撤霧鞭陽石燭
龍銜其照穰穰藝菽麥率顛寧弗聞九閭若爲隔弁命
同陸沉冥冥宇宙圻

激江官舍卽事

虔臺名臣清獻趙熙寧救菑功矯矯一命存心必濟物
伊川明訓佩之早興邑三程過化區外遷却喜前型紹
斗米百錢吳越慣此間值之民鮮飽更堪翔貴日加倍
豐年是穀荒是寶去歲恒暘無麥禾到官雨說隨車好
三日以上霖爲淫別風淮雨愁蒸潦儒生願作親民吏
救弊扶衰扞風抱旣膺民社責攸寄絕異冰銜蹲舊沼

與國鼎志 卷四十三 國朝詩 三
土饒歲稔復仍饑溝中有瘠途有殍嗷嗷忍死待公來
曰扶我顛蘇我稿奔壘迴車賴御良沉算作糜須婦巧
宵分無寐聊徙倚官事如斯恐未了

偶成

冷性違時熱羸躬幸國肥聲牙谿石激涼澹岫雲飛析
靜放衙早毫枯判牒稀差殊下車日鵠面對啼饑

簿領尋常理襟懷取次清鈔詩成吏課和事作官評叱
犢閒歸壠鳴禽鎮集楹坐談侵丙夜義塾有書聲

粉陰從賽社杏雨正催農綠穗畦高下紅芳樹淡濃火
畚宵不暝水磴澗能春比戶貪堯日照熙亦可封

起居炎土慣童僕里謳諧文筆鐫丹嶂鬚眉寫碧潭露
涼挺橘蠹霜冷拾松蠶瑣事皆堪誌新題桂海函

彭載六以槎翁海桑詩集見貽賦謝

籍甚司成與聘君先朝避地激江濱縱橫詩筆山川麗
蹂躪戈鋌杖履勤行蹟清風闕空谷開編爽露濯秋雯
頻年軼事窮搜討倚作程鄉黼黻紋

六言詩

午飯公餘小睡秋齋雨後微寒經搜疑義方獲書緝零
編偶完窗影天然墨竹茶香真味幽蘭頗知地僻心逸
無那衰年興闕

巖石赭於野燒灘沙白似天霜魚塘五畝十畝茶嶺千
行萬行催子歸禽聒樹救公饑粟登場小橋谿淺堪縛
大戲邨喧未央里人演劇十日或十
二日一本者為大戲

牧愛堂

晦翁書余大司馬子俊刻石西安者也余鈎而

懸之內署

寶翰前型在懸題意悚惶書城箴保障墨稼憫耕桑解
古慙三鰓途危畏十羊不眠空畫肚中夜感痍傷

顧雲樓

江樹迷天際勞勞望眼舒稀封土行鮓長跪凱之書降

志聊甘辱移忠敢自疎何年乞休沐瓜壠侍揮鋤

學海

老父命名朱竹垞前輩書之以志景仰剛峯之

意

孤憤來瓊海封章動永陵稜威一筆架樾蔭萬松墀剛

先生於縣南
課民種松縑比原難匹蕭規識所承步趨高築在懸

對玉壺冰

樹梓軒

三年榎木拱七日豫章林寂歷含霜質輪困聳壑心露
莖滋滌硯風籟韻調琴怪底韓夫子庭楸百遍吟

芥舟

前令何潛起所題余仍之與茆亭相直

碧篠穠桃處精廬結構成茅亭雲外亞畫舫鏡中行紙尾供批答檐牙嬾送迎生平愁觸忤誰似野舟橫

方竹山房

家居故有此齋官所復得其種遂以命之

摸稜蘇相術規竅柳州文出處同聳叟盤桓只此君碧鮮凌翠藹清閨隱簾曛誰似詹承旨琳瑯御藻芬

明詹同對

高皇論及方竹之品因御製方竹記以賜

僧次燈與吳松若闢仙女潭石蹊達於東崖余所

題西崖之重巖亦平治可登而坐賦以記之

仙潭東西崖岫穴迥相望谿流界其間淙淙瀉瀉清深超距畏逾阮成梁乏化杖繞潭須腹行鶴步愁引阮山僧好事者謀鑿五丁嶂鑽攻犬牙盤蔬剔蛙腹脹竟達東崖巖玲瓏得幽曠石穴大者三排連甲乙帳虬松偃蹇挂蒼翠交柯抗洞入小有天飄然絕塵埃西巖竇纍纍倒側羅罽益我題重巖名僉曰肖其狀石壁綴蜂房崩劣不可上興極恣搜奇揮斤總勞匠衆中一竇寬周圍足尋丈列級便登躋磨治亦舒窈茵簞隨宜施尻股適所放可以攜鳴琴可以傾藏釀長嘯狎同遊如引客坐

壙來過不厭頻擬費屐幾緡

重遊靈山四首

行郊方綠暗到寺已黃昏為撫新摹碣予所作記立碑後尚未經遊

來尋舊宿軒三明參佛火百種變禽言清夢晨鐘醒疏

櫺上曉暎

碎瀑千尋練明霞百堞城石頽藤小絡雲破筍孤撐黃

鷓窺巢立元猿挂木迎重遊有新獲不負好山行

暗巖經宿雨生意發新篁黃玉松肪脆青雲石髮香膨

脰排鬲巖崩劣度車箱自笑跛跣足猶登九坂岡予數日前

抱下堂之厄

雅喜詩僧對愴然遠俗塵貌癯蒼鶴脰手斲黑龍唇能琴嘗自製桐為之

負荷林泉擔支銷風月絡鍊船遺跡泯賴爾

湖前津贈僧次燈

金斗山同成厦百穀宗衡作

癖尚耽搜剔郊行涉莽蕪攝衣向金斗濯魄在冰壺龍

徙灘聲壯山臨瀧下水蛇盤石級紆憑高強留句得擬北樓

無

巾子嶺一名君于嶺

鰲源亂山堆有峯屹然峙峨峨高切雲巾子名有以驅

駮髻斜簪顏唐弁有頰劈皺成折角秀琢類瑱耳古人

尊冠石巾山或其比流傳土語譌相率呼君子山僧援
舊聞辯析詞纍纍我謂兩無傷總成巖壑美瑤瑤石皆
貴囂囂厓遂泮童頑滿目前茲獨秀而巋仁者嘗樂山
至人亦居壘穢里與愚谷亮其知免矣假爾君子稱英
靈固無訾

龍坪

坐看石齒瀉琤琤暫拂衣塵滌眼明水蓼紅鮮溪蘚碧
潺湲聲裏着龍坪
刈稻黃雲壓板扉排松翠靄濕絺衣千巖一碧涼如洗
說是秦娥作雨歸

櫟樹厓

幾憶拙毫五柞宮揭來荒谷撫龍葱託根莫謂分涼燠
徂粟龍槐總朔風

張公橋

川西坂記王陽過塞北城留趙信居不爲左官應此地
底須橋姓早從予

白雲峯秦娥廟同詹敘五作

危峯直上十五里鐵瓦石垣憑沈濛指點雨晴分壠首
俯看蝮螻踠山腰撒環侍父垂芳躅重趺祠神信俗謠
葺構行行題姓字稍欣物力邇年饒

羊山龍華泉同蕭緒士作二首

力渴升邱倚杖扶碧釵松底味雲腴莫言一畝生毛羽
傲吏膏肓是所須

羊山甌觸鹿山摧

興國江口有鹿山右脉源移左脉開俗言羊鹿相觸也

泉故在菴右一日忽枯左行山下繡原田萬頃肯輸靈

數十步復湧此泉清甘相敵

液灌枯菱

花橋西厓僧舍締構絕壁間屢過不得上己丑冬

里民陳之巽鑿險通道設茶菓邀余賞之東厓

岫穴中亦結茅相對殊為山川點綴喜而口占

二首

飄飄語笑半空中懸度蛇盤與鳥權今日為予成吉語

天書親捧翠微宮

石樓闢處透天光翻怪雙厓面太行不絕涓涓橋下水

好添花片賺漁郎

山陽磔四絕句

渭濱千畝史公書何似山邨萬頃餘磴曲谿迴三十里

蕭蕭寒綠遍霖箴

平鋪旣甌密編垣荆不堪扉槿謝籜正誦黃州竹樓記

琮瑋碎玉雨翻盆

時值驟雨

層巒五里締山莊屈注流泉蓄水塘水閣軒窗山絕頂

風漪一片碧蒼茫

耆壽坊傳百歲翁三朝耕鑿古人風也從合譜趨流競

詞苑標題護碧籠

程水

楓柳烟莊綠未萌荒郊留得二程名凝眸殘雪山中白
巖意春風坐上行巢鵲噪晴遷遠樹柵雞鳴午惜餘秬
差如鄆縣前川路于役慚予世網嬰

白華菴

自言法華山派因白石邨名白華

何年談上品嘉號被幽岑靜對鬢陀相深關絜白心違

顏愴離歎缺養愧惟禽繞逕繁花發聊當朱萼詩

對嵩巖

舊名雙龍巖與蠟石砦相直蠟石之峯二十六

予改今名并繫以詩

維嶽古嵩高厥峯三十六黃海與幔亭並峙雄南服

武夷皆三十六峯激江嶺北支羣巒春筍矗植如夏屋楹叢如

羽箭鏃海舶卸帆檣霜林脫葉木屈指枚計之四九數

更僕揲著老陽策吹律黃鍾谷相直面層巖竅篠施重

屋畦町隔牛鳴坡陀堪鹿宿夕陽睇諸峯一一皆在目

露掌翠森梢雲鬢青起伏鐫崖錫以名神游二室麓相

對不相厭涼岑新雨沐

敦邱歌

興國長逕口有山如覆敦余引爾雅以敦邱名之繫之以詩

嶺北山形似堆阜困蝨坡陀呈怪醜白羊南下藍陂路禾黍油油見疆畝連岡起伏躡路隅中堪愛翫幾培塿太樸不雕形混沌精鍊磨礪顏色黝團如列幕施穹廬突如飴座蒸饅首首尾弭帖脊背崇中央隆隆何所負衛城食已僧置鉢澗池宴罷王按缶我援古義釋邱名位爾珠槃與玉鹵若教彌谷變敦彝酌樽於衢人醉酒

唯哉天道盈必覆孟而覆之安且久神禹鑿河釜得名文王繫易艮無咎敦邱邱下編戶千誰施情庇安茹蒨詩成驛霧告山靈大笑巴吟供覆甑

瀧石歌

瀧上石兀興國貴發瀧上石殘興國荒寒瀧石之殘由中官千艘轉粟谿灘難五丁椎鑿攻嶮岼裕陵復辟迨後二百年士林寥落無衣冠凋傷喬木焚芝蘭洪鈞幹運倚真宰邇來奎壁漸光彩銀臺列象逼鼎鼎蟾窟桂枝相繼採人言瀧石已遷改癸甲之間形磊磊榜人不復歌欸乃迴舫操舵如摩壘我謂禎符端有在文教興

興國縣志 卷四十三 國朝詩 三

興國縣志 卷四十三 國朝詩
衰繁勤怠勗爾媵修功力倍韓為泰岱蘇為海國有人
焉道斯待莫將瀧石程功罪

重步榴岡有感

卽江東祠池前石岡也郡志榴岡下有曲澗水
石琤然有聲而邑乘闕書予始題詩作記皆稱
江東祠劉廣文去偽父子呂孝廉希宣所居直
岡之前後予每憇此劉呂輒追從焉或攜茗飲
劇談今希宣謁選都門劉氏父子相次卽世真
寅四月既望過此為之黯然

每到清谿眼倍開相逢笑語出山隈一般雨後臨池樹

岑寂濃陰覆綠苔

茅亭纔覈古岡名呂仲善與陳海桑
茅亭唱和卽此處泉石泠泠瀉玉琤
眼底符黎皆雨散負瓢獨自遶西城

暮經楓樹菴入宿黃蘿山

居山遂茹山山僧樂難罄松杉官稅賒茶筍齋糧贖喧
幽鳥雀林狎嶮巖鮓鮓徑投棲一訪之蒼靄天方暝偃柏
與拔柗瀟瀟泉鳴磴雙林三里間窈窕致殊勝采菽薦
時鮮雜錯蔬盤釘桂花何處發客夢清屢醒晨鐘惘吏
勞秋月窺禪定何時脫塵馬寂歷裏孤磬起行謝柴扉
階莎露珠凝

覆笥山

我昔家隣縹緲峯禹書金簡隔凡蹤我今謫居覆笥巘
秘籍天人經卅卷平生好書兼好山擬探雲笈搜婀娜
芒屨籃輿簿書暇嵯峨萬仞躬躋攀壞刹摧頽古泉冷
白雲滿地餘榛菅輸寥之館渺何許巖扉無路敲雙環
自古神山不可至少霞夢醒新宮記可否仙公許補亡

道經消子爲
北海仙公

百首燕詞題覆笥

新詩名
覆笥集

種蠟謠

同類女貞殊性楮冬青分派呼蠟樹蟲生緣樹樹名蟲
孳蓄桑螵將桂蠹稍同桂葉寒不凋碧幹龍葱度冬海

冬深嶺民分蠟種火齊纍纍堪指數氣交卯坼相蛹化
苞藏箬裹紛蟻聚蠕蠕葉底爭噉食戢戢枝間森布濩
力命還如牛糞金委蛻不知禽化羽皇皇滌釜更着單
淘之汰之費澄瀘團團白月截肪鮮鎔烝碧海熒波素
天孫機錦研繚綾王公庭燎燃燈炷蜜蹠蜜脾古有之
攻蜂蓄蜂人所驚誰知人巧更蟲天樹蠟生新蜂蠟故
甘芬姑謝百花釀皎潔直擬三危露方物旁搜本草經
詩篇擬續蟲魚疏

采葛謠

葛覃風始岐鄠境王風唐風迭篇詠禹貢惟絺載充雍

筐篚中原物華盛胡今此種北來鮮越吟采葛曾誰聽
 雷州貢葛卉服存增城祁陽買舶競西江冠美說西山
 贛州產敵盱江勝激江瘠土被服艱賸有裕兮陪後乘
 風條露蔓蔽平疇雨笠烟鋤斫危磴纍纍紅紫分肌肉
 歷歷方圓陳緯經去聲鳴機聲促暮螢啼湓池紋動遊魚
 泳土風不蠶亦不桑西川課織慙忠定獨羸鹿藿陪鼠
 壤越錦吳綾誇麗靚俗樸無煩濯水鮮候炎絕少涼颺
 勁桃江作豐湘洪會昌巧機杼採買徵求煩甲令不如治繹
 足餬口產薄工羸民未病相逢滿眼任西華葛天氏國
 吾從政

刈薇歎

薇省署中書芳譽垂絲綸樊川號紫薇清才冠儔倫嘉
 植世所貴平泉伊王津激江固無花蕭條桃李春寂寂
 春徂夏童頽如塞濱偶行適郊坰紅薇爛然陳荒畦被
 犖确仄磴銜嶙峋腰鎌牧蕘兒斬斫同營榛枯枿旋萌
 肄燒殘雜野燐對之潛然悲賦物有屈伸海枯混魚蝦
 崑焰罹石珉何地不產材要在識者甄抑之委黃埃揚
 之入青旻南州禮璆稗西川擢覽珍元草覆髻詭詆諶
 有范逵呼童攜薇歸謹植蒼苔茵婉婉蕉梧逕徘徊風
 露晨見者猶晒之乃寶吾斯新

與國鼎志 卷四十三 國朝詩 三
煮鷓歎

初冬風日清嶺嶠未落木山禽豐羽毛下上紛林麓
罝罝時入林飛土歌續竹弋鳧兼射雉佐僕充蒲菽白鷓
翩然遊皓質皎於玉虞羅一中之恣取混殂續纍纍入
肆懸沽沽論價鬻嗟哉造物理貴賤詎無族瑞世必鸞
鳳充庖乃雞鶩彈雀貪被擒羹臯惡自盛斷尾犧宜憚
拔孳巢免覆蔚爾素鷓姿雙璧高韞匱毛革謝麾章脂
膏違鼎餽開籠狎可逝鍛翻馴難辱何來世網嬰莫悟
殺機伏元腥及瑛瓚秦坑被綺用鮮鸚脂孔雀桂海陞
文穆漁洋賦射鷓此風來自蜀見香祖筆記魚鳳泣何勝責

鷓窺已酷微謠醒民狂永嘯悲天枯

水碓

輾轉碓懸杵循環杓轉磨機心運天巧不由人力作言做
淙淙下灘水衝鞞靡不破蓄水置水漕爲輪值其過輪
水日擊撞杵軸日盪摩去聲翻聯車腸轉竿礪鋸齒銼白
響玉琤琤粟圓珠箇箇中夏納禾時甌窶脉酒賀搨搨
春碓場羅列稭與稷一輪連廿碓力少而功大家丈雜
備保晝夜兼坐卧寄頓收隣值羨餘足官課輕莎老牯
眠衰樹寒蟬墮黃簷舫頻移青荷飯堪裹由來抱甕勤
不及桔槔惰勞哉吳下儂庶下春歌和

輿圖
卷四十三
國朝詩
三
饴車

閩南多蔗林青葱被廣陌行旅渴無漿飽噉任采摘土
風任恆產製饴有常格鋸齒磨輪形驅牛負其輓植如
穀磨剉汁似漕牀滴坎地置瓷罌涓涓受瀝液旁爲釜
甑具熾火燔以炙既濟功斯成粲然熒波白作甘配酸
鹹飴錫隨俗適蠶密釀花房米汁炊薌澤總輸諸境佳
流涎舌皆齶千畝橘與漆請續貨殖冊

紅蘭

叢生野草中燒山者不能辯輒焚之花時愈盛
俗名火燒蘭一名血絲蘭

焚芝迥種贖奇芬玉茁猶餘血淚痕滿地山鵲兼躑躅
洗殘春雨日溫磨

蒼階庭下紫蘿囊赤管新含握裏香莫與東莞分品格
東莞素蘭最盛丹心一並素心長

縣齋古柏戊亥間有鵲巢焉不至者二載矣庚寅
春復巢喜而志之

素臆相依似古人銜泥君屋意同親輪囷古柏霜皮悴
莫認靈槎舊漢津

十尋龍攫老蒼髯歲晏婆娑轉不堪却愧仲常漳水廨
雙栖長對爾喃喃

雙芝

齋房舊句憶甘泉亭記新昌莫漫傳慚愧山靈靈賦厚
珊珊雙樹茁芊綿

元草成來俟慶雲只同幽谷閔蘭芬菌蒸耕朽安吾分
有日輪囷燭紫雲

楊之蕃

贛縣人

呈損持先生

鳧鳥南飛出九天爭傳明燭賜金蓮人瞻叔度波千頃
邑被文翁化七年好客不嫌歌短句著書聞已續長編
名流自是多佳政朝野如今望若仙

梁

機

字仙來
秦和人

陪損持先生登興國麗譙

春淺遞陰晴物色歛駘岩登高縱遠目好懷恣奇曠微
微度和風稍稍暎遙嶂煙火辯千家窈窕翠鬟障怡然
慰闕情令宰夙心尚到來傳呼靜巡檐佳遊償屬曩何
嶮峻文筆挺干將樓有太史碑記敞軒野色深決皆山川壯還
傾冰堂春漉巾酣新釀論文語聳牙撫景歡閑暢虛響
動幽聽江流沸遠浪古柏與垂柳青翠宛相向倏然山
雨來濕雲正搖漾翠屏莽迴互樹色浮滌盪渺爾山城
間茲樓萃奇狀地偏景斯清心遠憶所叙浩歌一憑欄

尺五青冥上

學海堂

名宦由來傳此地

謂宋程
莊諸公

瓊山勁節砥迴瀾後來能事

人誰屬前輩心期學所難堆架奇書盡鴻秘橫秋老筆

亦霜寒

額為朱竹垞先
生書筆勢道勁

歸朝袞職還當預珍重威稜殿

上看

芥舟

為憐畫舫錫名嘉仍著茅亭倚竹斜到眼無驚恣游泳

此心不繫任煙霞鴟夷虛泛三更棹牛女徒勞八月槎

解識坳堂杯水意起看門外即天涯

同子孺遊仙女潭

城市勞勞到此間晴暉千疊不吾慳巖花晴日紅初遍

鳥道蒼煙險更攀石洞人稀尋故迹澄潭水白澣塵顏

上人莫訝詩情少特向山中學嬾閑

尹元貢

字仲禹
零都人

芥舟

欲作浮生計坳堂境未遐虛舟同泛海一芥即為家萬

物不自小吾心詎有涯風波全付與靜對滿欄花

木客吟

驪山一炬烽烟起咸陽宮殿飛灰裏當年百二誇雄圖

不控阿房三百里可憐使者紛八荒採木僻壤窮巖疆
客來止兮上洛山不死却得延年方黃精作飯松作漿
白雲爲衣霞爲裳明月伴我山中顏翛然放歌天地涼
三山仙人晤非偶海水蒼茫不可走閔向風塵問世人
徐郎採藥歸來否

詹宜倫

字敘五
贛縣人

顧雲樓

不盡庭闈戀蒼茫望鴈過憶鄉紅蓼滿到眼白雲多十
二時堪數三千水若何閨門如練處鬢髩見通波

陪遊秦娥山

諸峯環列鬱崔嵬穿穴憑崖構竹扉孝跡有無存禱祀
仙蹤雲雨信依稀新煙乍湧晴攤樹曉露初零暗濕衣
清籟遙聞天外發恍疑笙鶴傍空微

沈時棟

字成夏
吳江人

儀門古柏

虬幹森森掛碧蘿千年留得此喬柯乾陵剩蹟休嫌晚
新甫遺詩未足多却待化龍看天矯每因巢鵲愛婆娑
使君珍重非無意會歷風霜未肯磨

遊金斗山

崑崙金斗劈五丁層巒複嶂如列星若斷還連不知數

或立或仆具衆形茲山迥出萬山表縱覽寥廓何杳冥
捫雲摘漢天咫尺憑虛遙吸數點青我欲乘風上瑤闕
俯瞰海底走曜靈待叩蒼穹終莫叩安能於世矜獨醒
須臾雲海沈下界路仄羊腸踵先礙攀蘿附葛凜難留
策足前驅寧少待盧禪巖畔水清漣濯纓濯足水藻鮮
側聞昔人值喪亂避世有若仇池巔誰是能知漢魏人
悠然滄海還桑田余亦來遊閱四春人和政暇俗還淳
采蘭已快登臨樂茲復追陪共使君

白

潢

字近薇奉天蓋
平人大學士

送少宗伯興國王公

予告還鄉

激水家聲蓋代聞容臺典禮佐華勲能將廣廈儲寒士
得遂初衣荷

聖君祖帳儼同疏傅事錦堂快讀長公文春朝介壽筵

開處上洛山巔駐紫雲

陳元龍

浙江海寧人
禮部尙書

前題

四十年來績不刊懸車國老寸心丹已知白髮歸疏廣
尙有蒼生憶謝安槐樹堂中新擘脯桃花江上好驂鸞

林泉後樂閒無事莫厭蒲輪駐水干

勳廷儀

直隸靜海人
刑部尚書

前題

九衢爭送侍郎歸還向烏衣著錦衣桃李春官雙鳳闕
芙蓉秋水一漁磯烟雲南浦情偏勝絲管東山興不違
天酒黃封靈壽杖似公方說古來稀

王承烈

字遜功陝西涇陽人
吏科給事中

前題

儒林鄉境似瀛洲章貢滔滔合韻流中有偉人迴出儔

天淵文道佐

呈猷妙手工成五鳳樓鳳池劍珮聲悠悠燕趙齊魯瑤
瑚收鏡網宏開炯炯眸銀臺金扉次第游典禮秩宗
帝眷優夙夜寅直清如瀏鬱鬯格神薦二直秀才納粟
時論浮侃侃得公

國體留善天士子頌不休卽此一事足千秋

新皇嗣位重碩謀玉鉉佇升卜金甌壽曆花甲將十周
引年高致志林邱為望橋山暫遐邇露白菊黃返旆旂
明歲春添海屋籌儒林鄉畔喜扶鳩繩繩繞膝悉琳球
霞觴飛處味百羞神仙允矣勝公侯後輩曾叨子輩猶
欣逢盛事遍詞謳秦聲瓦缶愧難酬

徐葆光 字亮直江南吳江人翰林院編修

前題

引年期未屆先上乞身書置錦三千里仙齡七十初金
甌方竹卜綠野早懸車謙抑神常歛剛方氣自如盈廷
羣唱和異議獨迂疎但欲清賢路寧忘富國儲片言
天意合四海士心舒議定于秋重身歸衆望虛勲名留
竹帛蹤跡狎樵漁百歲匡廬老雲山奉燕居

俞兆晟 字叔穎浙江海鹽人左春坊左贊善

前題

憶昔歲戊午勝衣在花縣惟時先君子撒棘擁歸憶昔

持先生文珍惜如禁嚮江臯秋水涸把酒乍相餞

帝里俄春風櫻桃聞九讌南北隔遠音十載重會面林
林寶堦客濟濟朝右彥盼睐獨相加青袍不容報功名
日巍峩古道自懇款從茲後十年見數意逾煖卿月照
天衢金甌待鉅典何為倣疏傅竟買滌河鰲關心感昔
游申懷難自遣彈指又綺春杖國慶方踐笑攜崆峒侶
平泉花正蒨顧瞻長安塵輪蹄紛輾轉

萬承蒼 字字兆南昌人侍講學士孺廬集

前題

解紱南宮賦遂初論年猶未及懸車

兩朝碩德承褒旨萬里輕裝有

賜書去日丹心依魏闕到時青眼對匡廬公卿執手臨

歧別歎息榮名繼漢疏

立朝本不為身謀去住情懷澹似秋燕地黃花開祖席

楚江紅樹帶行舟猶聞庠序傳餘論

初德清蔡宗伯疏請士子得納粟為

生員有旨議覆

卻上崆峒訪舊遊吟伴好招梅學

士同時二老亦風流

時少詹學士梅月川先生亦請告歸南城

